

日
本
訪
書
志

陳思王集四卷

明刊本

僅存賦及詩四卷雜文以下無之無目錄後跋
與江文通集合爲一函賦四十一篇詩六十三
篇按思王集原書三十卷久佚後人從類書選
本中鈔出爲此集 提要所稱嘉定癸酉宋刊
本賦四十四篇詩七十四篇自張燮汪士賢以
下漸有增入無復減少者此本賦四十一篇所
原似更在嘉定本之前故所載反略其中往往
有缺字又如矯志詩題下注作孚之下脫二句

三家集則僅於字下注一闕字陳朝輔本則並不注闕脫其餘異同更難悉數大抵皆出後來臆改則此本可貴也每半頁十行行十八字左右雙邊中縫在橫線下題陳集其刊當在嘉靖閒其款式實源宋本按明朱之蕃有唐百家集其版式字體略與此同而所載唐人集亦唯存詩賦此本或亦朱氏所刊與

孟浩然詩集三卷

元祿庚午刻本

前有元祿庚午可昌序稱得襄陽集三集不問
字畫善否篇什多寡遵命剞劂氏以刻諸板其
所訛缺姑仍舊本以俟智者校焉書分上中下
三卷凡遊覽五十七首贈答三十一首旅行三
十首送別四十首宴樂十七首懷思十五首田
園十九首共二百九首首題孟浩然詩集卷上
次行題須谿先生批閱三行題吉安元鼎校正
當是日
本人 中縫題襄陽集按 四庫箸錄爲明人

刊本有王大源韋迥二序此本皆脫余所見須
谿批點名家詩集多不載舊序是其陋也或坊
賈刪之又士源序稱集共詩二百一十七首分
爲四卷此本卷數皆不合知非唐人綴輯之舊
須谿評語類傷佻儗亦無所發明唯據眾妙集
云除夜有懷一首爲崔塗詩頗見攷證校之明
本分體編詩以近體爲古詩又竄入他人之詩
者相去天淵矣

案明閔齊伋及汲古閣刊本作三卷行篋無此


二書未識與此本異同若何惟有明朱聲所刊
唐百家詩本亦作三卷亦分類編詩而贈答類
宿廬江寄廣陵舊遊之下荆門上張丞相之上
多出詩十二首又下卷田園類之後有美人類
七首時節類三首拾遺三首此本亦無之然遊
覽類既有春晚詩不應初秋九日等詩又別出
時節一類美人類之詩亦大半可入懷思類中
余疑朱本爲後人綴拾浩然佚詩而妄立名目
以附于後至清鏡嘆涼州詞庭橘三首又分三

類故題爲補遺其實朱本至田園類而止別無
美人時序二類爲此本所佚也

提要又引容齋隨筆疑其示孟郊詩時代不能
相及此本及朱本皆有之又謂長安早春一首
文苑英華作張子蓉而同張將軍薊門看鏡一
首亦非浩然遊迹之所唯朱本有長安早春一
首在時節類此本則二首皆無之然則此本於
孟詩雖有所佚尙無宋以後人竄入之弊固校
孟詩者之標準也至朱本與此本字句異同互

有長短則當參校而得之

余歸後聞黃堯圃所藏宋本尙存吳中則此本
未足奇也



須溪先生校本韋蘇州集十卷

元刊本

首有王欽序次目錄首行題須溪先生韋蘇州
集卷第一次行題蘇州刺史韋應物每半葉九
行行十七字卷中多校錄異同之字間有訃語
末有何堪之兩跋須溪此本多據何本補入者
其第二卷呈崔郎中之上補入三編雪夜下朝
之下補入四編第五答裴處士下補入十八首
第七秋景瑯琊精舍之下補入三首第八末
補入一首共補入二十九首皆低一格拾遺八

首則云熙寧丙辰校本添四首紹興壬子校本
添三首乾道辛卯校本添一首則是韋集自嘉
祐本以至何湛之本凡六本矣原序五百七十
一首按目錄除補遺外只五百五十五首以何
本補入二十九首則當爲五百八十四首其數
皆不相應未知其故昔人云獨憐幽草澗邊生
宋板作澗邊行以生爲誤此詩在第八卷幽下
注云一作芳生下注云一作行則知作生作行
皆宋板所有矣今世行者康熙中頂網以北宋

本翻雕稱卽王欽臣本又毛晉所刻王孟章柳
四家本行篋中無此二書未知何如然須溪據
六本以校定此本則所得多矣

後序

韋應物居官自愧閔閔有恤人之心其詩如深
山採藥飲泉坐石且安竊孟浩然如訪梅閉柳
偏入幽寺二人趣意相似然入處不同韋詩潤
者如石孟詩如雪雖淡無采色不有輕盈之意

德祐初秋看二集并記

此不著人名常
卽須溪總評也

又按 提要云項本分十四類原篇云分類十五殊不可解此本亦十四類而序亦作十五則非誤也然則此與項本分類皆非欽臣之舊、

陶韋合刻跋

按此則何湛之並有陶集刻本此在須溪跋後

詩三百十一篇所爲美刺要皆掇於性情止于理義無所爲而爲不求工而工也後之爲詩者以爲一秋而競趨之至于唐且以爲制科之羔雁已嗟乎以詩而博名高取世資必且爲快目豔心之語驚魂動魄之談適人之適而非自適其

適安在其抒性情而止理義說者謂詩盛於唐
予謂至唐而漓也晉處士植節于板蕩之秋游心
于名利之外其詩冲夷清曠不染塵俗無爲而
爲故語皆實際信三百篇之後一人也唐刺史
作不虧情理少涉濃郁未必與處士鴈行乃效
陶潛諸作可稱逼肖蓋似者其模倣之工不盡似
者則時尚所移也雖然曠代希聲寥寥寡和若
刺史者亦處士之後一人也倘禘尼立而並袷
二祖則陶幾入室韋漸升堂意味風流千秋並

賞予因合刻之聊以存古人三百十一篇之遺

意云疎園居士何湛之書

按此序不著年月當再攷

集千家注杜詩二十卷文集二卷

元槧元印本

首有元大德癸卯劉將孫序次目錄前題須溪

先生劉會孟評點次附錄各家序跋及須溪總

論次年譜以下唯卷一題會孟評點文集卷一

餘卷并無之據將孫序將孫係會孟之子知此本爲高

楚芳所編蓋楚芳刪次各家之注而附以會孟

評點也其詩亦分類編次而與魯豈黃鶴本皆

不甚合明代白陽山人金鸞許自昌等所刻皆

從之出而并遺劉將孫序遂不知編此本者爲

何人朱竹垞竟謂出之蔡夢弼尤失考矣 四
庫著錄本但稱前載王洙王安石胡宗愈蔡夢
弼四序知其所見亦明刊本蓋此四序原在附
錄中明刊本刪存此四序並劉會孟總評十一
則盡刪之篇中評語竟不題會孟名其爲庸妄
何可勝言 提要引宋犖謂杜詩評點自劉辰
翁始劉本無注元大德間有高楚芳者刪存諸
注及劉評附之此本疑楚芳所編也是則 國
朝唯宋牧仲得見此本 天蘇琳瑯所收今又一
亦白陽山人本

百餘年余始從日本得之以印證牧仲之說亦
一快也 提要稱篇中所集諸家之注真廣錯
雜蓋指偽東坡注而言不知此編絕不載東坡
注劉將孫 已明言之 提要未見劉序又未
暇細核全書故意此千家注中必有東坡注遂
漫爲此說也

余又藏一本每半葉十二行行亦二十三字序
文每行減一字版幅亦略縮小亦爲元刊而摹
印在後且塗抹滿紙遠遜是本附記於此

增廣註釋音辯唐柳先生集二十卷附別集外集附

錄
南宋刊本

每半葉十三行行二十六字首乾道三年陸之
淵序次劉禹錫柳先生文集序又次諸賢姓氏
曰中山劉禹錫編河南穆修叙眉山蘇軾評論
胥山沈晦辯南城童宗說音注新安張敦頤音
辯新安汪藻記張唐英論雲間潘緯音義其書
分類編次與穆修本合惟彼以非國語爲四十
四四十五兩卷此則合併詩文爲二十卷而以

非國語爲別集其外集則採自沈晦本附錄下

逮紹興當爲潘緯所定考柳集有四十五卷者

爲劉禹錫所編

禹錫本附墓志祭文於第一卷穆修本則不附之卷數與禹錫

本同有三十三卷者爲元符間京師開行又有曾

丞相晏元獻二本而無二十卷之本據陸之淵

序似潘緯所據本亦三十二通則此二十卷爲

坊賈所合無疑 四庫著錄麻沙本係四十三

卷是又據穆修本分之余亦藏有此本每半葉

亦十三行行二十三字然分合雖殊實無盈缺

唯其卷一下題南城先生童宗說注釋新安先生張敦頤音辯雲間先生潘緯音義故 提要
據以爲說其實此宋本無此題也 提要稱書
中所注各以童云張云潘云別之不似潘緯自
撰之體例疑本各自爲書而書賈合之其說誠
是蓋五百家注本有張敦頤柳先生厯官記此
本無之則知其於張說有刪削矣又此本注中
多詳音訓而略於事實唯童宗說頗徵史傳而
與韓氏詁訓本多同其不著姓名之注則又與

五百家注相出入疑其互有攘取也編中所載一本與五百家悉合疑魏仲舉卽以此爲藍本也今穆修四十五卷之原刊旣不傳麻沙四十三本亦爲難觀明代翻刻訛謬宏多然則以此當柳集之祖本可矣

或疑此本不缺宋諱又四周雙邊而黑口當是元以下本未必爲宋刻余謂不然余所見麻沙宋本不避宋諱者甚多

小字唐文粹其一也

四周雙邊及

黑口亦起於南宋而元人承之詳見余古刻源

流考及留真譜中且元人刻書字體皆趨圓潤

卽如千家注

杜詩是也

此刻字體則純是南宋格

余仁仲穀梁傳

是其又紙質堅而薄是宋閩地所產元明人無

之況此書元麻沙本已改其款式 提要所據

本是也

孫可之集十卷 明刊本

明崇禎中閩中黃燧然黃也剛與劉蛻集合刊
本有小野節小島學古印記首載正德丁丑王
鏊序知其從王本傳刻者王刻世尙有之又
有朱本舊在顧之遠家顧澗菴曾爲校訂云龍
山錄樵起辛而遊泊甲而休刻武侯碑陰獨
武侯治于燕爽見宋刻而知正德本之謬今此
本亦沿其誤似未足珍然樵自序前不標孫可
之文集序六字樵自題銜在序後猶是古式勝

於汲古本遠矣近日南海馮氏重刊可之集自言得見湖縈兩校本又見黃蕘圃校本顧氏且云有唐文粹辨證之役遍搜唐集勘正知必於文粹所載可之文一一校錄馮氏參校重刊宜乎折衷一是今以馮氏本對勘不唯文粹佳處不能從

開元雜報文粹作帛其縵志其末謂以帛覆藏之也廣雅幔覆也說文無幔字

蓋縵與幔通今本作帛而漫志其末帛字遂無著卽此本是處亦多改

刊如書何易于城嘉陵江南蓋謂益昌縣城在

嘉陵江南耳

按唐益昌縣今四川保甯府昭化縣縣城適在嘉陵江南唐屬利州

刺史利州今廣元縣在昭化縣北下云刺史崔
朴自上游泛江東下卽謂利州刺史也故易于
自云爲屬令若非本州馮本從俗本作河南刺
刺史安得稱屬令乎

史而以城嘉陵斷句爲不辭矣其他顯然謬誤

馮氏略不能訂正且有各本不誤而馮本獨誤

者此由重寫失於覆勘之故

別詳札記吾不知多見

校本謂何甚矣傳刻古書之難也

劉蛻集六卷

明刊本

明崇禎癸未閩中黃熾然刊本

與孫可之集合刻亦小鳥藏本

森立之訪古志載之

其自序蓋天啟甲子吳緝所輯六

卷本重加補綴者吳緝序則云舊稿本之桑悅

悅故振奇士卽僞造伊世珍瑯寰記者也按此

本所載蛻文不見於文苑文粹兩書者尙多或

疑有僞作然文泉子原書十卷書錄解題尙著

錄則亡佚不久或桑悅故有傳鈔本未可以瑯

寰記一概例之唯此本以文粹所載對勘亦多

脫誤 如論江陵者老書誤論爲論羸秦論而先立與脫而先絕其術欲有立八字獻南海崔尚書書今閣下下脫則踰垣塞牖而已雖然當閣下十二字其他字句差違尤難枚舉 良由展轉鈔刻之故

四庫著錄有崇禎庚辰閩人韓錫所編文泉子一卷先於此刻四年又有閩齊伋刻本稱拾遺集余俱未得不知與此本詳略異同若何然原集旣不存恐皆以吳緋爲藍本亦未有以遠過之者也

樊川文集夾注殘本二卷

朝鮮刊本

存一二兩卷無序文及刊行歲月亦不知注者爲何人審其字體紙質的爲朝鮮人刻板卷首題樊川文集卷一下記夾注二字次行題中書舍人杜牧旁注牧之二字每半葉八行行十七字注亦十七字注頗詳贍卷末又附添注注中引北宋人詩話說部又引唐十道志春秋後語廣志等書甚多知其得見原書非從販鬻而出當爲南宋人也自來著錄家無道及者豈卽朝

鮮人所撰與惜所存僅二卷不得詳證之耳森
立之訪古志稱爲寶素堂舊藏顧無小島印記
當是偶未鈐押耳

表制集六卷

唐沙門不空撰不空西域人唐代宗時贈司空所翻經律甚多亦兼通外典此表制集皆其當肅代兩朝所上表啟及答制也未附徐浩所撰不空碑文一首此集南北藏皆不載蓋已佚矣首題司空大辨正廣智三藏和上表制集卷第一次行題上都長安西明寺沙門釋圓照集圓照之序在第一卷內目錄附于卷後古式也

李推官披沙集六卷

宋槧本

每半葉十行行十八字首有紹熙四年楊萬里
序序後有臨安府棚北大街陳宅書籍舖印行
世謂之府棚本蓋陳氏在臨安刊書最多而且
精也今觀此本刻印雅潔全書復完美無缺信
可寶也披沙集 四庫未著錄據誠齋序推挹
甚至當爲晚唐一作手明朱警刻百家唐詩稱
皆以宋本裱刻所收咸用詩卽據此本行款亦
同唯刪其卷首總目其中間有墨丁訛字席氏

百唐詩集又源于朱本皆補填之而誤字尤多
如緋桃花歌首句上帝春宮恩麗絕宮席誤官
末句爭教比物芳心歇朱本心字墨丁席本補
非字短歌行下在黃埃上須漸朱席本漸誤慚
小松歌短影日斜不滿尺朱席本日作月劍喻
誰是的提絜朱席本的誤餉不成字放歌行至
哉先聖情朱本聖情二字空席本補先哲二字
覽友生古風箎鼓老松根席鼓誤散題友生業
竹蒲筴今無種席蒲誤脯江南曲鄉夢欲成山

烏啼席本烏誤烏寄修陸上人相憶由來一無
事席本作無一又相似不似奇數字此本相字
空缺朱本同席本補相字古意論交通財能幾
何朱席本通誤過昭君蠻夷莫敢侵席本夷作
彝贈來進士鵬灘急五更風席本灘誤難酬鄭
進士新居深似白雲閒席本白誤自友生見訪
其約冰銷日席本約誤酌春晴新詩吟未穩朱
本穩字墨丁席本補就字酬蘊微訪君還獨還
朱席本君字並空缺分題雪霽望爐峯朱席本

霽並誤花席本爐上增香字雪十二韻陂椿吐
白蓮朱席本椿誤椿槎面江搖錫席本樓面光
搖錫廬山稜收雪氣昏朱本同席本雪空缺作
賦偶無孫朱席本孫誤人謝友生遺端溪硯瓦
淺小金爲斗席本淺作殘觀下句泓澄玉作隄
則作淺是也想樂與天齊下缺一句朱席本皆
同山中夜坐一牀山月竹朱本同席本山作秋
送韋主簿嚴風愛日淚闌干席本嚴作巖夏日
別余秀才冲漠非吾事朱席本漠誤漢寄題從

兄坤載雨中寒樹愁鴟立席本鴟誤鴟題劉處
士居月過修篁影旋疎席本旋作漸和友人喜
相遇文賦歌詩略不專朱席本略誤路又謝思
甯許夢魂通席本許作計和修睦山居不論軒
冕及漁樵席本及作與與下句性與情遠漸漸
遙複觀山榴卻應羞得強青青朱席本羞誤着
然亦有宋本誤席本較正者如寄楚瓊上人靜
對五峯秋此本作對靜雪十二韻童癡爲獸捏
此本朱本捏誤沮夏日別余秀才岳麓雲深麥

兩秋此本麥誤麥是則當分別讀之全唐詩編
爲三卷校之有兼從朱席二本者然未見此本
故猶有誤字

歐陽文忠公文集三十六卷

此本爲日本寶曆十三年所刊首有皆川愿序稱以元時刻本重校上木首載東坡序題銜稱門人翰林學士云云稱其通家子有烏氏藏政集二本其一爲元時刻本因合校刻之第一卷爲賦與雜文蓋卽據居士集而截去首卷之詩賦與雜文爲第一卷以下次第悉與居士集合未知所據原本如此抑皆川愿等刪其詩然每卷正文中多列異同其每卷末所載校刊人姓

名亦悉與前本合則知卽從前本出也皆川愿
所校異同則列於欄外其中多稱蘇本宜和本
蓋其所見一本夾入注中之語尤爲精善故亟
錄之

王荆文云詩注五十卷

朝鮮活字本

首有大德辛丑劉須溪之子劉將孫序次大德
丙午毋逢辰序次年譜六葉不題撰人名氏首
題王荆文公詩卷第二行題雁湖李璧注三行
題須溪劉辰翁評點蓋與明嘉隆閒海鹽張宗
松刻本同出一原張本刪須溪評語耳唯張本
缺前劉毋二序又缺年譜其第三十卷及第五
十卷均缺尾葉今並鈔於後據將孫序知須溪
於雁湖注亦略有刪節故盧抱經所注長塘鮑

氏宋槧十七卷殘本

宋本存第一至三卷十五至十八卷二十三至二十五

九卷四十五至四十七卷

尙有魏鶴山一序注中每有多至

數條者然宋本亦無第三十卷五十卷則此二

葉獨賴此本以存殊足貴也

山谷詩注二十卷目錄一卷年譜附外集詩注十七卷序目一卷年譜附別集二卷

右朝鮮活字版首山谷子黃埤序次許尹叙據敏求記言舊藏山谷詩注目錄首缺二版此本有之則知是從宋本出也每半版十行行十七字注雙行行十七字有養安院藏書記

后山詩注十二卷

明弘治刊本

首門人魏衍記記後低一格爲政和丙申王雲
題末有弘治丁巳楊一清跋據云初刊于漢中
後又得定本於江東故家遂再版焉然此本日
本元祿三年亦有翻刊每半版八行行十六字
體勢與宋板山谷集合當從宋板翻雕者也然
則此本爲后山詩注之最善本矣

淮海文粹十四卷

舊鈔本

相傳陳同甫所輯六君子文粹之一也此本僅存十四卷以淮海集校之有一篇之中刊去首尾及繁文者在他人則爲妄在同甫則爲嚴此自關乎學識也

竹友集十卷

宋槧本

此宋槧謝邁竹友集十卷鑄刻精良紙墨朗潤
宋槧之絕佳者 四庫提要云今所行本只四
卷又有詩無文其所箸錄之十卷本乃明謝肇
淞從內府鈔出然傳鈔者仍希故百年來箸錄
家仍不見邁集若宋槧原本則自明內府外無
箸錄者然則此本爲天壤間孤本已數百年無
論今日也初爲日本向山黃村所藏余謂宜重
刊以廣其傳因借得用西法影撫之未幾余將

歸黃村好余之刀幣古泉數十事迺議以此原本交易之適與兄逸同列江西詩派中據苗昌言跋此集得之於其子敏行卽其所編次又稱二謝交遊遍天下既沒之後爲之傳序哀詞祭文者甚眾今未暇博詢而徧錄也特取呂舍人之所書摹其真跡於後夫以適之文行烜赫一世生平酬應之作當不下數十冊此集名爲十卷其實詩不過二百六十二首文不過二十五首並其傳序哀詞祭文不載其編次之謹嚴可

謂不誣其先則昌言稱敏行之詩律有典型者亦爲實錄今人名不出里閭身前刻集卷耑題詞連篇累牘轉瞬化爲煙雲讀此集知古人篤實所以傳世愈遠也

余歸後得金山錢氏小萬卷樓所刊謝本其誤脫不下數百事良由謝氏以寒夜急錄不能精審加以展轉傳譌故不可讀乃別爲札記入續羣書拾補中

和靖先生詩集二卷

日本貞享丙寅刻本

集分上下二卷首梅堯臣序首題和靖先生詩

集序不冠以林字次行題太常博士宛陵梅堯

臣撰

明沈行輯本刪除宛陵二字以置于年月之後又序文宜海西湖之上沈本改宜海

爲錢

唐序文於和靖皆提行其根源於北宋本無

疑今就明沈行輯本校之沈本多出春日寄錢

都使一首和虢略秀才一首傷朱寺丞一首林

山人隱居一首洞岩宮一首宿洞霄宮一首又

草泥行郭索雲水叫鉤輶二句其重輯本不載

見於此本者秋懷一首寄輦下莫降秀才一首
梅花二首西湖小隱一首東竹寄曹州任懶夫
一首又和病起一首此本在和謝祕校西湖馬
上之下沈本在和安秀才次晉昌居士留題壁
之下其他字句異同更難枚舉然則沈氏亦未
見此本也宋志載林逋詩集七卷又二卷書錄
解題云和靖集三卷西湖紀逸一卷然本傳云
所傳三百餘篇此本篇數亦相合則志所稱七
卷又二卷與解題所稱三卷者不知爲誰誤淡

生堂書目載此書不著卷數僅署二冊或是此
本至明正德丁丑沈行輯本則爲四卷 國朝
康熙中吳調元刊本因之昔劉後村以摘句圖
證和靖詩之多逸爲之惋惜今此本秋懷以下
六首全篇宛在竟爲沈行吳調元刊本所脫不
尤可鄭重哉

宗忠簡集六卷

明崇禎庚辰進賢熊人霖校刊蓋據萬厯張維樞刻本重雕者目錄後附始末徵首樓昉原序次萬厯乙巳張維樞所撰忠簡傳又有附刻雜錄則建炎二年高宗所賜誥敕及宋濂解縉以下題跋按國朝義烏縣王庭曾重編本爲八卷據提要稱增入諫止割地一疏而以樓昉原序及明初方孝孺序弁於篇首今此本無諫止割地疏及孝孺序有樓昉張維樞序亦小有

不相應者惜篋中無王庭曾本未能一一校對之耳

誠齋詩集四十二卷

影宋鈔本

首題誠齋集卷第幾次行題廬陵楊萬里廷秀
計江湖集七卷荆溪集五卷西歸集二卷南海
集四卷朝天集六卷江西道院集二卷朝天續
集四卷江東集五卷退休集七卷合爲四十二
卷按誠齋全集本一百三十三卷今箸錄家所
傳朱竹垞影宋本有劉焯叔序每半葉十行行
十六字每卷後有嘉定元年春三月男長孺篇
次端平元年夏五月門人羅端良校正此本皆

與之合的係從宋本影鈔唯前無劉煒叔序又
文獻通考載江湖荆溪南海集俱有自序何義
門所見宋賓王藏本江西道院朝天續集亦有
自序此本皆無之岳珂程史稱朝天續集韓信
廟詩淮陰未必減文成句麻沙刻本譌文成爲
宣成此本作淮陰何必減宣成意者原于麻沙
本當時本僅刻詩集非影鈔者之有所略也

晦菴先生朱文公詩集十卷

朝鮮刻本

無序跋首有奚疑齋藏書圖記末有嘉靖庚申
至月慶州府尹龜殿李公剛而所贈此書板在
是府當亦朝鮮人所題首行題晦菴先生朱文
公詩集卷第一每半葉十行行十八字字體古
樸當是明初所刻每卷後附考異知非苟付剞
劂者

陳龍川文集三十卷

明萬曆刊本

萬曆丙辰黃州守王世德刊據其自跋從原本
出蓋猶葉水心所刊原書也葉序後有瞿九思
及郭士望序祭呂東萊文六篇在第二十二卷
鄒本移於第二十三卷明崇禎癸酉鄒質士刊
本卽從此本出而頗多訛字 國朝康熙四十
八年其永康族裔重刊所據此本有永康知縣
姬肇燕序獨怪同治戊辰永康胡氏重刊此書
而所據以辨僞考異者僅崇禎鄒氏本及道光

閒陳坡刊本而萬歷黃州本康熙永康本皆不
得見焉胡爲龍川鄉後進而又爲楚中書局提
調未必此二本竟絕于世毋亦搜訪之未周乎

歸髮集十卷

明刊本

明萬曆戊午郭鳴琳刊本徐勣所輯前八卷爲
皋羽本書九十兩卷爲附錄按四庫箸錄爲
平湖陸大業本則有遺集二卷遺集補一卷此
本無之意陸氏所據爲弘治間儲懽刊本故以
其所遺別爲兩書此本已彙入八卷中徐興公
以博洽名一世又與皋羽同郡其所訂當不至
大謬惜筐中無陸本不得一互校之也

靜修先生文集三十卷

丁亥集五卷附錄三卷樵菴詞一卷遺文遺詩各六卷拾

遺七卷

續三卷

明宏治乙丑廬州府同知崔嵩刊有後跋稱從蜀本錄出而次第則從元本蓋以蜀本將各集彙併失靜修本意故仍從元本以丁亥集爲首卷也每集首行題下著保定崔嵩校正附錄房山賈彝編續集題後學楊俊氏裒錄崔跋又稱元本乃其門人真定安熙所訂最爲謹切

吳淵穎集十二卷附錄一卷

明嘉靖元年刊本首有祝鑿序蓋刊於杭州者
此在卓氏刊本之先又係以宋璉寫本覆刻殊
爲精雅而傳世頗少因錄之

胡翰序

至正十二年


劉基序

胡助序

男吳士諤跋跋後題金華後學宋璉謄寫

新芳薩天錫雜詩鈔選藁全集一冊

日本明歷三年刊本按天錫雁門集本八卷汲古刊本併爲三卷集外詩一卷有自序及干文傳序此本無序詩後附文七首皆爲繙流所作據標目稱爲妙選藁則非全集也然驗其板式的爲從元藁重刊惜篋中無雁門集未得一校之



犁眉公集五卷

明初刊本


明劉基撰無序跋目錄按基有郁離子覆瓿集
寫情集二卷春秋明經二卷犁眉公集五卷各
自爲書成化中戴鱣等始合爲誠意伯文集二
十卷而各集別行本遂微此五卷首雜文次樂
府次詩猶爲原刊 提要稱此集爲二卷者亦
誤也世傳基推碑圖等書神怪謬妄不可窮詰
然觀此集第三篇謝恩表中有云基一介愚庸
生長南裔疎拙無知其能識主於未發之先者

亦猶巢鵲之知太歲園葵之企太陽又云至于
仰觀乾象言或有驗者云云是基本深明術數
占驗之學宜乎後之方技家多所依託也

皇甫司勳集六十卷

明萬曆乙亥刊本

首有顧存仁范惟一劉鳳黃文祿等序並有自
識集原一首司勳集 四庫雖著錄而世罕傳
本此猶原刻初印本著之



朝鮮賦一卷 朝鮮刊本

明董越撰弘治九年越以右庶子兼翰林侍講使朝鮮歸而爲此賦初刻于江西秦和此爲朝鮮太斗南重刻者所載山川風土頗略文辭亦質實有餘瓌麗不足然越留其國僅浹月宜其不能賅備且采風問俗意存徵實固有資于攷核正不必以三都兩京相誇擬也

大藏經五千七百四十卷

宋槧本

宋理宗嘉熙三年安吉州思溪法寶資福禪寺所刊是經日本有兩部一藏近江國菅山寺一藏山城國天安寺此卽天安寺本也自天字起至最字止凡五千七百四十卷閒有鈔補係元祿九年以菅山寺本照祿重修不知何時又缺六百餘卷余在日本有書估爲言欲求售之狀適黎星使方購佛書卽囑余與議之價三千元以七百元作定金立約期三月付書及逾期而

書不至星使不能待以千元購定日本翻明本
久之書至星使以過期不受欲索還定金書估
不肯退書難以口舌爭星使又不欲以購書事
起公牘囑余受之而先支薪俸以償余以此書
宋刻中土久無傳本明刊南北藏本兵燹後亦
十不存一況明本魯魚豕亥不可枚舉得此以
訂訛鉅謬不可謂非鴻寶迺忍痛受之缺卷非
無別本鈔補以費繁而止且此書之可貴以宋
刻故也書至六七千卷時至六七百年安能保

其毫無殘闕此在眞知篤好者固不必徇俗人之見以不全爲恨也

高麗刊本大藏經六千四百六十七卷

今藏日本東京三緣山增上寺當宋至道閒高麗國王以其國前本國後本中本丹本東本北本舊宋本飭諸大德校正刊行日本舊有二部一建仁寺本爲永嵩禪師由高麗齎歸天保八年九月廿六日毀于火今僅存四十九卷一爲大和國忍辱山圓成寺所藏係後土御門天皇文明年間寺主榮弘所請慶長十四年大將軍德川家康移貯增上寺償以食邑百五十石卽

今本也余嘗就三緣山寺中見之字大如錢紙
堅白摺疊式校宋元藏篇幅稍大其中多宋元
明藏所不載者而希齡續一切經音義十卷慧
琳一切經音義百卷尤爲特出至寶黎星使嘗
使人以西法照出擬刻卒未就也今列其爲宋
元明藏所不載諸經目於左

高麗藏經所有宋元明藏經所無者

須摩提經一卷

服函內

唐菩提流志譯

佛說般舟三昧經一卷

伐函內

後漢支婁迦讖譯

阿彌陀佛說咒一卷

鞞函內

失譯

佛說月燈三昧經一卷

鞞函內

宋先公譯

佛說申日經一卷

敢函內

西晉竺法護譯

佛說枯樹經一卷

若函內

失譯

佛說舍衛國王十夢經一卷

若函內

附西晉錄

佛說受新歲經一卷

竟函內

西晉竺法護譯

佛說金光王童子經一卷

戶函內

宋法賢譯

難備計溼囉囉天說支輪經一卷

兵函內

宋法賢譯

普遍智藏般若波羅密多心經一卷

磻函內

唐法月重譯

大集大虛空藏菩薩所問經八卷

曲函內

唐不空譯

大聖文殊師利菩薩佛刹功德莊嚴經三卷

阜函內

唐不空譯

金剛頂勝初瑜伽經中略出大樂金剛薩埵念誦儀

軌一卷

微函內

唐不空譯

金剛頂經一字頂輪王瑜伽一切時處念誦成佛儀

軌一卷

旦函內

唐不空譯

金剛頂降三世大儀軌法王教中觀自在菩薩心真

言一切如來蓮華大曼荼羅品一卷

孰函內

唐不空譯

修習般若波羅密菩薩觀行念誦儀軌一卷

營函內

唐不空譯

觀自在大悲成就瑜伽蓮華部念誦法門一卷

營函內

唐不空譯

大華嚴長者問佛那羅延力經一卷

桓函內

唐般若共利言譯

般若波羅密多心經

桓函內

唐般若共利言等譯

佛說迴向輪經一卷

合函內

唐尸羅達摩譯

佛說十地經九卷

合函內

唐尸羅達摩譯

佛說十力經一卷

合函內

唐勿提提犀魚譯

根本說一切有部毘奈耶藥事十八卷

濟弱函內

唐義淨譯

根本說一切有部毘奈耶出家事四卷

綺函內

唐義淨譯

根本說一切有部毘奈耶安居事一卷

綺函內

唐義淨譯

根本說一切有部毘奈耶隨意事一卷

綺函內

唐義淨譯

根本說一切有部毘奈耶皮革事二卷

綺函內

唐義淨譯

根本說一切有部毘奈耶羯恥那衣事一卷

綺函內

唐義淨譯

佛說佛名經三十卷

宣晉楚函內

失譯

佛說勝義空經一卷

馳函內

宋施護等譯

佛說隨勇尊者經一卷

馳函內

宋施護等譯

佛說佛十力經一卷

馳函內

宋施護等譯

佛說清淨心經一卷

馳函內

宋施護等譯

金色童子因緣經十二卷

郡函內

宋惟淨等譯

佛說開覺自性般若波羅密多經四卷

秦函內

宋惟淨等譯

六趣輪迴經一卷

亭函內

馬鳴菩薩集

宋日稱等譯

尼乾子問無我義經一卷

亭函內

馬鳴菩薩集

宋日稱等譯

諸法集要經十卷

鴈函內

觀無畏尊者集

宋日稱等譯

福蓋正行所集經十二卷

門函內

龍樹菩薩集

宋日稱等譯

父子合集經二十卷

紫塞函內

宋日稱等譯

卷之三十一

大藏經未收古經

余在日本所得古鈔佛經不下六七百卷其中有唐人書寫者有日本人傳錄者工拙不一而時有出于高麗藏宋藏元明藏之外有島田蕃根者篤好佛書爲言此皆其國入唐求法僧所齋回者會其國集股印大藏經并借余所得本校補因以知宋元明大藏不收之目今列于左

受五戒八戒文一卷

唐不空譯

菩提心義一卷

唐不空譯

無畏三藏禪要一卷

唐善無畏造

大毘盧遮那佛說要略念誦經一卷

唐菩提金剛譯

供養儀式一卷

唐菩提金剛譯

金剛頂經毘盧遮那一百八尊法身契印一卷

唐善無畏一行同譯

諸佛境界攝真實經三卷

唐般若譯

金剛頂瑜伽略述三十七尊心要一卷

唐不空譯

大日經持誦次第儀軌一卷 唐金剛智譯

大毘盧遮那佛眼修行儀軌一卷

唐金剛智譯

大聖妙吉祥菩薩說除災教令法輪一卷

唐一行述

施八方天儀則一卷 大興善寺翻經院阿闍梨述

堅牢地天儀軌一卷 唐善無畏譯

新集浴像儀軌一卷 唐慧琳述

佛說大輪金剛總持陀羅尼經一卷

唐慧琳述

大輪金剛修行悉地成就及供養法一卷

唐慧琳述

攝無礙大悲心大陀羅尼經計一法中出無量義南方滿願補陀落海會五部諸尊等弘誓力方位及威儀形色執持三摩耶幘幟曼荼羅儀軌一卷

唐不空譯

青頸觀自在菩薩心陀羅尼經一卷

唐不空譯

三種悉地破地獄轉業障出三界祕密陀羅尼法一卷
唐善無畏譯

慈氏菩薩略修愈誡念誦法二卷

唐善無畏譯

白傘蓋大佛頂王最勝無比大威德金剛無礙大道
場陀羅尼念誦法要一卷
唐善無畏譯

毘盧遮那五字真言修習儀軌一卷

唐不空譯

地藏菩薩儀軌一卷

唐輪婆迦羅譯

都表如意摩尼轉輪聖王次第念誦祕密最要略法
一卷

解說師子譯

底哩三昧耶不動尊聖者念誦祕密法三卷

唐不空譯

佛說無量壽佛化身大念迅俱摩羅金剛念誦瑜珈
儀軌法一卷

唐金剛智譯

說矩里迦龍王像法一卷

唐金剛智譯

佛說金色迦那鉢底陀羅尼經一卷

唐金剛智譯

摩利支菩薩略念誦法一卷 唐不空譯

摩利支天一印法一卷 唐不空譯

阿吒薄拘付囑咒一卷 唐不空譯

焰羅王供行法次第一卷 唐阿謨伽撰

何耶揭唎婆像法一卷 唐阿謨伽撰

何耶揭唎婆觀世音菩薩受法壇一卷

唐阿謨伽撰

馬鳴菩薩大神力無比驗法念誦儀軌一卷

唐金剛智譯

降三世忿怒明王念誦儀軌一卷

唐不空譯

佛說金毘羅童子威德經一卷唐不空譯

千手千眼觀世音菩薩治病合藥經一卷

伽梵達摩譯

播般曩結使波金剛念誦儀一卷

伽梵達摩譯

金剛藥叉瞋怒王息災大威神驗念誦儀軌一卷

唐金剛智譯

金剛頂瑜珈青頸大悲王觀自在念誦儀軌一卷

唐金剛智譯

大慈大悲救苦觀世音自在王菩薩廣大圓滿無礙自在青頸大悲心陀羅尼一卷唐不空譯

火吽軌別錄一卷

唐不空譯

北方毘沙門天王隨軍護法儀軌一卷

唐不空譯

宿曜儀軌一卷

唐一行撰

如意寶珠轉輪祕密現身成佛金輪咒王經一卷

唐不空譯

寶悉地成佛陀羅尼經一卷 唐不空譯

法華十羅刹法一卷 唐不空譯

深沙大將儀軌一卷 唐不空譯

摩醯首羅大自在天王神通化生伎藝天女念誦法

一卷 唐不空譯

供養十二大威德天報恩品一卷

唐不空譯

寶藏天女陀羅尼法一卷 唐不空譯

摩訶吠室囉末那野提婆喝囉闍陀羅尼儀軌一卷

唐般若斫羯囉譯

冰揭羅天童子經一卷

唐不空譯

使咒法經一卷

菩提留支譯

施諸餓鬼飲食及水法并咒印一卷

唐不空譯

梵天擇地法一卷

唐不空譯

建立曼荼羅及揀擇地法一卷唐慧琳譯

釋迦牟尼佛成道在菩提樹降魔讚一卷

唐不空譯

佛說造塔延命功德經一卷

唐般若譯

悉曇字記一卷

唐智廣撰

木槵經一卷

唐不空譯

大聖妙吉祥菩薩祕密八字陀羅尼修行曼荼羅次第儀軌法一卷

中天竺菩提唎使譯

大隨求八印一卷

宗叡傳

總釋陀羅尼義讚一卷

唐不空解譯

十八契印一卷

唐慧果譯

大妙金剛大甘露軍子利焰鬘熾盛佛頂經一卷

達磨栖那譯

尊勝佛頂修瑜珈法軌儀二卷唐善無畏譯
釋迦文尼佛金剛一乘修行儀軌法品一卷

唐善無畏譯

藥師瑠璃光如來消災除難念誦儀軌一卷

唐善無畏譯

藥師如來念誦儀軌一卷

唐不空譯

觀自在菩薩心真言一印念誦法一卷

唐不空譯

觀自在菩薩大悲智印周遍法界利益眾生薰真如
法一卷

唐不空譯

聖無動尊一字出生八大童子祕要法品一卷

大興善寺翻經院述

建立曼荼羅護摩儀軌一卷

大興善寺翻經院述

火併供養儀軌一卷

大興善寺翻經院述

北斗七星護摩祕要儀軌一卷

翻經院阿闍梨述

北斗七星念誦儀軌一卷

唐金剛智譯

文殊師利菩薩六字咒功能法經一卷

唐金剛智譯

大隨求卽得大陀羅尼明王懺悔法一卷

唐金剛智譯

金剛壽命陀羅尼經一卷

唐不空譯

九品往生阿彌陀三摩地集陀羅尼經一卷

唐不空譯

七星如意輪祕密要經一卷

唐不空譯

藥師如來觀行儀軌法一卷

唐金剛智譯

藥師如來念誦儀軌一卷

唐不空譯

大日如來劔印一卷

唐不空譯

大日如來劔印一卷

唐不空譯

阿闍梨大曼荼羅灌頂儀軌一卷

唐不空譯

金剛頂經一字頂輪王儀軌音義一卷

唐不空譯

佛頂尊勝心破地獄轉業障出三界祕密三身佛果

三種悉地眞言儀軌一卷

唐善無畏譯

佛說俱利伽羅大龍勝外道伏陀羅尼經一卷

唐金剛智譯

常曉和尙請來目錄三卷

唐金剛智譯

新書寫請來法門等目錄一卷宗叡和尙

靈巖圓行和尙請來目錄一卷宗叡和尙

惠運禪師請來教法目錄一卷宗叡和尙

大使咒法經一卷

唐菩提流支譯

聖賀野紇哩縛大威怒王立成大神驗供養念誦儀

軌法品二卷

唐不空譯

佛說不空羼索陀羅尼儀軌經二卷

師子國阿目佉譯

佛心經品亦通大隨求陀羅尼二卷

唐菩提流志譯

七佛俱胝佛母心大准提陀羅尼法一卷

唐善無畏譯

七俱胝獨部法一卷

唐善無畏譯

五大虛空藏菩薩速疾大神驗祕密式經一卷

唐金剛智譯

金剛頂瑜伽三十七尊出生義一卷

唐不空譯

耨呬耶經三卷

唐不空譯

佛說毘奈耶經一卷

唐不空譯

大佛頂如來放光悉怛多鉢怛囉陀羅尼一卷

唐不空譯

佛說出生無邊門陀羅尼儀軌一卷

唐不空譯

華嚴經心陀羅尼一卷

唐不空譯

轉法輪菩薩摧魔怨敵法一卷唐不空譯

日光菩薩月光菩薩陀羅尼一卷

唐實又難陀譯

如意輪菩薩觀門義注祕訣一卷

唐不空譯

文殊滅姪慾我慢陀羅尼一卷唐不空譯

阿吒薄俱元帥大將上佛陀羅尼經修行儀軌三卷

唐善無畏譯

伽駄金剛真言一卷

失譯

佛頂尊勝心破地獄轉業障出三界祕密陀羅尼一

卷

唐善無畏譯

千手千眼觀世音菩薩大悲心陀羅尼一卷

唐不空譯

千光眼觀自在菩薩祕密法經一卷

三昧蘇嚩羅譯

千手觀音造次第法儀軌一卷唐善無畏譯

念誦結護法普通諸部一卷 唐金剛智

青龍寺軌記一卷

唐金剛智

勝軍不動明玉四十八使者祕密成就儀軌一卷

唐不空天竺遍智集

聖無動尊安鎮家國等法一卷唐金剛智

北方毘沙門天王隨軍護法真言一卷

唐不空譯

毘沙門儀軌一卷

唐不空譯

賢劫十六尊一卷

唐不空譯

大聖歡喜雙身大自在天毘那夜迦王歸依念誦供

養法一卷

唐善無畏譯

大聖歡喜雙身毘那夜迦天形像品儀軌一卷

憬瑟撰

毘那夜迦識那鉢底瑜伽悉地品祕要一卷

含光記

大黑天神法一卷

嘉祥寺神愷記

十二天供儀軌一卷

嘉祥寺神愷記

般若守護十六善神王形體一卷

唐金剛智譯

七曜攘災決一卷

西天竺金俱吒撰

七曜星辰別行法一卷

唐一行撰

北斗七星護摩法一卷

唐一行撰

佛說北斗七星延命經一卷

婆羅門僧

梵天火羅九曜一卷

唐一行述

攝大毘盧遮那成佛神變加持經入蓮華胎藏海會
悉生曼荼羅廣大念誦儀軌供養方便會

唐輸婆迦羅譯

大毘盧遮那經廣大儀軌三卷唐輸婆迦羅譯

大毘盧遮那成佛神變加持經蓮華胎藏悲生曼荼羅

羅廣大成就儀軌供養方便會二卷

玄法寺法全集

大毘盧遮那成佛神變加持經蓮華胎藏菩提幢標
幟普通眞言藏廣大成就瑜珈三卷

青龍寺法全集

大毘盧遮那成佛經疏二十卷唐一行記

附不思議疏二卷

唐不可思議撰

貞元新定釋教目錄三十卷

日本享保刊本

唐西京西明寺沙門圓照奉敕撰其書體例一
同釋智昇開元釋教錄而下止於貞元十六年
凡加一百三十九部三百四十二卷亦多有訂
定開元錄者此書宋元明南北藏皆不載此本
爲日本享保十六年書坊所刊卷後多署丙午
歲或署丁未歲高麗國大藏都監奉敕雕造前
有高野山釋妙端序稱此本得之高麗藏粵山
釋迦文院又以其國祕書本及開元錄梁高僧

傳等書校之題於書楣而圈記其下余按此本
訛謬滿紙尙多未校者或妙端校後又爲刻梓
所誤未暇重校與余初以爲校書圈記始自阮
文達之刊十行本十三經今此本刊於享保十
六年當我 中國雍正九年而已有圈記豈暗
合與抑別有前規與記之以俟博雅

原序

西京西明寺沙門

圓照

撰

謹按舊錄云夫目錄之興也蓋所以別真僞明
是非記人代之古今標卷部之多少據拾遺編

刪夷駢贅欲使正教合理金

疑經字

言有緒提綱

舉要歷然可觀也但以法門幽邃化綱恢弘前
後翻傳年移代謝屢經散滅卷軸參差復有異
人時增僞矣致令混雜難究蹤由是以先德儒
賢製斯條錄今其存者殆六七家然猶未極根
源尚多疎闕昇以庸淺久事披尋參練異同指
陳臧否成茲部袞庶免乖違幸諸哲人俯共詳
覽今觀先覺所撰冠絕羣英伏從庚午以來增
七十祀三藏繼踵于今四朝 聖上欽明翻譯

相次一百餘部經律特明累降

鴻私許

令修述圓照等才智短淺思不延文祇奉

皇恩俛仰恭命今所詳者約以類分隨三藏文
相次附入自惟以索繼組以磔次金疑則闕之
以俟來哲也

原缺

文鏡秘府論二卷 古鈔本

日本僧遍照金剛撰卽空海也空海求法於唐兼善文翰故以所聞文章利病著爲此書上卷論對凡廿九種下卷論病凡二十五種中多引元氏劉氏沈氏崔氏之說而不著其名元氏當是微之餘三人今不可考其論雖若淺易實可攷見唐人作詩賦律法較之趙秋谷聲調譜以後人追尋其義例者尤爲有據也

按弘法大師傳此書本六卷此其殘本也